

modo se habent Lineæ ACT, & BCF, ut & Loca F. & T. atque in opposito Hemisphærio ascendens Solis Lineæ BDE. & ADS. ac Loca E. & S. ut & reliquæ Lineæ omnes ac Loca ubique notata.

APPA-  
RENS.  
MOTUS. YXL. Arcus hic sive Progreſſio Solis ab initio Arietis sive Equinoctio Verno Taurum, Geminos & Cancrum usque ad Punctum L. in Leone vocatur Apparens seu Verus Motus.

MEDIUS  
MOTUS. YXM. Arcus hic, sive Progreſſio Solis ab initio Arietis sive Equinoctio Verno Puncto E. per modo dicta Signa usque ad Punctum M. in Leone, vocatur Motus Medius, qui licet rectius Verus esset appellandus, apud Astronomos tamen usu receptum est, ut alter sive præcedens Verus nominetur; quâ occasione etiam L. Locum Solis Verum, & M. Locum Solis Medium vocari consuevit.

PROSTA-  
PHÆRE-  
SIS. LM.FT.ES. PROSTAPHÆRESIS, seu ÆQUATIO, est differentia inter Motum Medium & Verum, sive inter Locum Solis Medium & Verum, nomen Prostaphære-

sis nacta, ab addendo & auferendo, quia Prostaphæresis additionem, & Aphaeresis ablationem sive subtractionem significat. Motus igitur Vero per Observationes cognito, si illam differentiam Sole ab Apogeo ad Perigeum descendente, addideris, eo quod Verus Motus Medium sequitur, aut eandem illi ipsi Motui detraxeris, Sole à Perigeo ad Apogeam ascendente, eo quod Verus Motus Medium antecedit, Motum Medium elicies. Contrarium verò faciendum, cum Motum Medio cognito Verus inquiratur. Ob Lineas Medii & Veri Motus in Apogeo concurrentes nulla ibidem est Prostaphæresis, quæ maxima est in C. & D, ubi Linea Medii Motus, & Equinoctialem seu Lineam Veri Motus interfecat.

FIGURA MINOR IN TYPO URANOMETRI-FIGURA MINOR. co ad latus appositâ sub titulo HYPOTHESIS SOLIS PER ECCENTRICUM SINE EPICYCLO, est parva Majoris Figure delineatio, quæ ex antepositis faciliè intelligi potest.

